



AVE: R 1533.62

## AfriForum veg vir matrieks

### Alet Rademeyer

PRETORIA. – AfriForum-Jeug se prokureurs het gister 'n aanmaningsbrief aan die departement van basiese onderwys gestuur waarin hulle eis dat die departement alle uitstaande matrieksertifikate binne twee weke beskikbaar moet stel.

Sommige leerlinge wag sedert 2008 om hul matrieksertifikate te ontvang.

“Die aanmaningsbrief wys die departement daarop dat hulle leerlinge regstreeks van hul grondwetlike reg tot billike administrasie ontnaem. Hul versuim om matrieksertifikate uit te reik, is onwettig,” het mnr. Charl Oberholzer, nasionale voorsitter van AfriForum-Jeug, gesê. Vroeër van-deesmaand is berig oor kandidate wat sukkel om finale matrieksertifikate te kry.

Een van hulle is me. Amy Beukes, 'n student aan die Universiteit van Pretoria (UP), wat vrees dat sy nie volgende jaar haar graad sal kan verwerf as sy nie bewys van haar sertifikaat kan lewer nie.

Die departement voer aan stelselprobleme is die rede waarom gekombineerde sertifikate nie gedruk kan word nie. Dit raak alle matriculante sedert 2008 wat aanvullende eksamens geskryf het of bykomende vakke geneem het.

AfriForum-Jeug het leerlinge uitgenooi wat nie hul matrieksertifikate ontvang het nie, om hul besonderhede op [www.afriforumjeug.co.za](http://www.afriforumjeug.co.za) te plaas. AfriForum-Jeug tree ook namens Beukes en ander leerlinge uit onder meer die Wes-Kaap, Oos-Kaap, Vrystaat, Mpumalanga en Gauteng op.